

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINSKI SUD U ZENICI
Broj: 43 0 St 231991 23 St
Zenica, 30.8.2024. godine

Općinski sud u Zenici, stečajni sudija Samra Spahić-Drino, u stečajnom postupku nad stečajnog dužnika „EURO PLAST“ d.o.o. Doboj Jug, Društvo za proizvodnju i montažu plastenika, sa sjedištem na adresi Trg 21. Marta bb, Matuzići, Doboj Jug, matični registarski broj subjekta upisa 43-01-0143-08, kojeg zastupa punomoćnik Sprečo Damir, advokat iz Doboja, nakon ročišta održanog dana 12.3.2024. godine, kome su prisustvovali privremeni stečajni upravnik Vehab Harisa i punomoćnik predlagača, van ročišta, dana 30.8.2024. godine donio je:

R J E Š E N J E

Otvara se i zaključuje stečajni postupak nad stečajnog dužnika „EURO PLAST“ d.o.o. Doboj Jug, Društvo za proizvodnju i montažu plastenika, sa sjedištem na adresi Trg 21. Marta bb, Matuzići, Doboj Jug, matični registarski broj subjekta upisa 43-01-0143-08, zbog nepostojanja imovine, dovoljne za pokriće troškova stečajnog postupka, te se nalaže brisanje ovog privrednog društva iz sudskog registra zavedenog pod matični registarski broj 43-01-0143-08, po pravomoćnosti ovoga rješenja.

O b r a z l o ž e n j e

Prijedlogom od 6.7.2023. godine predlagač „EURO PLAST“ d.o.o. Doboj Jug, Društvo za proizvodnju i montažu plastenika, sa sjedištem na adresi Trg 21. Marta bb, Matuzići, Doboj Jug, putem punomoćnika, podnio je ovom sudu prijedlog za otvaranje stečajnog postupka, u kojem je naveo da društvo duži vremenski period ne obavlja djelatnost, ne ostvaruje prihode niti izmiruje nastale obaveze, da ne posjeduje imovinu kojom bi se moglo finansirati poslovanje, a bankovni računi su duži vremenski period blokirani.

Rješenjem ovog suda od 26.12.2023. godine pokrenut je prethodni postupak za utvrđivanje uvjeta za otvaranje stečajnog postupka nad navedenim društvom, te je radi utvrđivanja uvjeta za otvaranje stečajnog postupka nad ovim društvom za privremenog stečajnog upravnika imenovan Vehab Haris iz Tešnja.

U svom Izvještaju od 5.2.2024. godine privremeni stečajni upravnik je naveo da postoji razlog za otvaranje stečajnog postupka, da ne postoje izgledi da se poslovanje nastavi, da stečajni dužnik nema imovine, pokretne ili nepokretne čijom bi se prodajom formirala stečajna masa za podmirenje troškova stečajnog postupka, te da prijedlog za otvaranje stečajnog postupka nije podnesen u roku od 60 dana od dana nastupanja platežne nesposobnosti.

Privremeni stečajni upravnik je na ročištu održanom 12.3.2024. godine ostao kod izvještaja, te je izjavio da je analizom bilansa uspjeha za period od 01.01.2022. godine do 31.12.2022. godine utvrdio da društvo nije ostvarilo nikakve poslovne prihode, da su poslovni rashodi iznosili 0,00 KM, da su ostali prihodi i rashodi (oznaka 113) iznosili 0,00 KM, iz čega proističe da je društvo na kraju izvještajnog perioda ostvarilo ukupan rezultat od 0,00 KM, da prema bilansu stanja na dan 31.12.2022. godine ukupna aktiva ili imovina društva 87.922,00 KM, a analizom bilansa stanja utvrđeno je: aktiva društva se sastoji od kratkoročne imovine u iznosu od 83.447,00 KM i dugoročne imovine u iznosu od 4.475,00 KM, kratkoročna imovina se sastoji od zaliha u iznosu od 7.729,00 KM, potraživanja od kupaca i ugovorne imovine u iznosu od 6.800,00 KM, ostale finansijske imovine u iznosu od 40,00 KM, novca i novčanih ekvivalenata u iznosu od 65.470,00 KM i ostale imovine i potraživanja uključujući i razgraničenja u iznosu od 3.408,00 KM, dugoročna imovina se sastoji od postrojenja i opreme u iznosu od 4.475,00 KM, a ta vrijednost je bila ista i na kraju 2021. godine. Društvo nema ostale dugoročne imovine, ukupan kapital iznosi 4.786,00 KM, a sastoji se od vlasničkog kapitala u iznosu od 2.000,00 KM i akumulirane neraspoređene dobiti iz ranijeg perioda u iznosu od 2.786,00 KM. Prema Bilansu stanja na dan 31.12.2022. godine iskazana je ukupna

pasiva ili obaveze društva u iznosu od 83.136,00 KM, a struktura stavki pasive je sljedeća: dugoročne finansijske obaveze u iznosu od 55.970,00 KM za koje nema dokumentacije na osnovu koje bi bilo moguće utvrditi iz kojih izvora te obaveze potiču. Ove obaveze su na kraju 2022. godine iznosile 3.512,00 KM, kratkoročne obaveze u iznosu od 27.166,00 KM, koje se odnose na obaveze prema dobavljačima i ugovorne obaveze u iznosu od 12.993,00 KM, obaveze za porez na dobit u iznosu od 196,00 KM i ostale obaveze uključujući i razgraničenja u iznosu od 13.977,00 KM, za koje obaveze nema raspoložive dokumentacije. Društvo ima iskazana potraživanja prema kupcima u iznosu od 6.800,00 KM, ali prema izjašnjenju direktora društva, ova potraživanja potiču iz 2008. godine, ni za jednog od kupaca nije izvršeno utuženje kod nadležnog suda niti su poduzimane druge mjere za naplatu ovih potraživanja. Društvo u svom vlasništvu ili suvlasništvu nema nepokretne imovine niti ima vozila. Računi stečajnog dužnika su blokirani od 20.06.2012. godine, stečajni dužnik je platežno nesposoban jer duže od 60 dana neprekidno ne izmiruje svoje dospjele novčane obaveze, nije u stanju da izvršava svoje dospjele i potraživane obaveze plaćanja, a račun stečajnog dužnika je blokirani duže od 60 dana neprekidno, zbog čega su u smislu člana 6. Zakona o stečaju nastupili razlozi za otvaranje stečajnog postupka nad stečajnim dužnikom. Platežna nesposobnost stečajnog dužnika je nastupila najkasnije 20.06.2012. godine, jer stečajni dužnik u periodu od 20.06.2012. godine kao dana blokade računa pa do dana podnošenja prijedloga za otvaranje stečaja ne izmiruje svoje dospjele novčane obaveze. Istakao je da postoje razlozi za otvaranje stečajnog postupka te da ne postoje nikakvi izgledi da se poslovanje stečajnog dužnika u cjelini ili djelimično nastavi, a stečajni dužnik nema imovine, pokretne ili nepokretne čijom bi se prodajom formirala stečajna masa za podmirenje troškova stečajnog postupka. Predložio je da sud u skladu sa članom 102. st. 7. Zakona o stečaju javnim pozivom pozove povjerioci i zainteresovana lica da u roku od 30 dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka te da ukoliko u ostavljenom roku povjerioci i zainteresovana lica ne predlože otvaranje stečajnog postupka i ne uplate predujam, sud na osnovu člana 102. st. 8. donese rješenje kojim će otvoriti i odmah zaključiti stečajni postupak nad privrednim društvom „EURO PLAST“ d.o.o. Doboj Jug, te odrediti brisanje društva iz sudskog registra po pravosnažnosti istog. Izjavio je da bi za podmirenje troškova stečajnog postupka bio dovoljan iznos od 5.000,00 KM.

Punomoćnik predlagača izjavio je da je saglasan sa izvještajem privremenog stečajnog upravnika, da nema primjedbi, da je stečajni dužnik svoje zadnje poslovanje imao tokom 2011.-2012. godine, da nije ostvario prihode niti preuzimao obaveze, da u izvještaju privremenog stečajnog upravnika stoje određena potraživanja u manjem iznosu u iz perioda od prije 15-ak godina tako da ne postoji realna mogućnost naplate istih, s obzirom na institut zastare potraživanja i činjenicu nesređenosti poslove dokumentacije stečajnog dužnika, a da stečajni dužnik nema nikakve druge imovine koja bi bila naplativa niti bilo kakvu vrijednost iz koje bi se mogao finansirati redovni stečajni postupak, te prihvata preporuku privremenog stečajnog upravnika da se u ovom predmetu donese rješenje o zaključenju stečajnog postupka.

Sud je donio odluku kao u izreci iz sljedećih razloga.

Odredbom člana 102. stav 6. Zakona o stečaju („Službene novine F BiH”, broj: 53/21) propisano je da stečajni sudija otvara stečajni postupak nad imovinom stečajnog dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna da namiri troškove postupka, dok je stav 7. istog člana propisano da ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudija će javnim pozivom, objavljenim na oglasnoj tabli suda, web stranici suda - elektronskoj tabli suda i u „Službenim novinama Federacije BiH“, pozvati povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka, u iznosu koji odredi stečajni sudija. Stavom 8. istog člana propisano je da ako u roku iz stava 7. ovog člana povjerioci i zainteresirana lica ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak.

Imajući u vidu prethodno navedeno, sud je primjenom odredbe člana 102. stav 7. Zakona o stečaju, rješenjem od 12.3.2024. godine pozvao povjerioci i zainteresovana lica da u roku od 30 dana od dana

objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, te da po izvršenoj uplati predujma sudu dostave uplatnicu, kao dokaz da je uplata izvršena. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupku.

Rješenje ovog suda od 12.3.2024. godine objavljeno je na oglasnoj tabli suda 14.3.2024. godine, na web stranici suda 1.7.2024. godine i objavljeno je u „Službenim novinama Federacije BiH“ broj: 23/24 od 27.3.2024. godine.

Kako stečajni dužnik ima obaveze, dok nema imovine, pa ni za namirenje troškova stečajnog postupka, a povjerioci i zainteresovana lica po proteku roka ostavljenog u rješenju donesenom od strane ovog suda nisu predložili otvaranje stečajnog postupka niti predujmili novčani iznos potreban za pokrivanje troškova stečajnog postupka, to je primjenom odredbe člana 102. stav 8. Zakona o stečajnom postupku, odlučeno kao u izreci ovog rješenja.

Shodno odredbi člana 108. i člana 204. stav 5. Zakona o stečaju, ovim rješenjem određen je upis rješenja o otvaranju i zaključenju stečajnog postupka koje uslijed nedostatka mase prestaje postojati, te brisanje ovog pravnog lica iz sudskog registra.

POUKA O PRAVNOM LIJEKU

Protiv ovog rješenja može se izjaviti žalba u roku od 8 dana od dana dostavljanja, Kantonalnom sudu u Zenici putem ovog suda u tri primjerka.

Stečajni sudija

Samra Spahić-Drino